



UNIVERSITÄTS-  
BIBLIOTHEK  
PADERBORN

# **Claudii Fleurii Abbatis Historia Ecclesiastica**

Ab Anno Christi 888. Usque Ad Annum 1000

**Fleury, Claude**

**August. Vind. [u.a.], 1761**

**VD18 90117921**

§. 11. S. Nilus in Monasterio Cassinensi.

---

[urn:nbn:de:hbz:466:1-66313](https://nbn-resolving.org/urn:nbn:de:hbz:466:1-66313)

Sæculum X. nachis in arcem se recepisset, tres, qui  
A. C. 983. ad custodiendum monasterium remanferunt, capti sunt & in Siciliam devehiti. S. Vir statim deliberare cœpit, qua ratione redimi possent, & centum nummos aureos ex redditibus monasterii collectos, opera usus cujusdam fratris fidelissimi, Panormum misit cum mulo, sibi dono dato, & Epistola directa ad Emiri Notarium, virum Christianum & pium. Is acceptam Epistolam recitavit coram Emiro Domino suo, qui sapientia & virtute S. Abbatis delectatus vocatos monachos honorifice habuit, & retento sibi in amicitiae pignus mulo ad sua remisit, redita pecunia, & adjectis aliquot pellibus cervinis. Epistolam etiam deferendam tradidit, in qua dicebat: *Tua culpa accidit, quod Monachis tuis mala evenerint. Si enim ad me confugisses, literas tibi dedissem tutelæ meæ testes, tuncque secure in tuo monasterio remanere licuisset. Si autem huc ad nos navigare vis, ubicunque placuerit sedem tibi eliges, mihi que patris loco, quem omni veneratione prosequar, futurus es.*

## §. XI.

*S. Nilus in Monasterio Cassinensi.*  
 Sanctus Vir providens totam Calabriam a Saracenis vastatum iri, emigrare statuit; sed noluit in Orientem proficisci,  
 ne

ne ingens Sanctitatis opinio, quam Græci de ipso conceperant, superbiendi occasio esset; quippe Nili fama usque ad Imperatores pervenerat. Ergo ad Latinos se convertit, quibus ignotus esse sibi videbatur. Sed in utraque Orbis parte cum Fideles ceu Apostolum colebant. Cum Capuam pervenisset, Pandolphus Princeps & præcipui Senatorum honorifice exceptum, in Episcopum sibi cooptarunt, & cogitata perfecissent, nisi mors subita Principem rapuisset. Sed cives, Aligerno Abbate Montis Cassinensis advocato, postularunt, ut S. Viro aliquod Monasterium Cassinensi subjectum, quodcunque videretur regendum committeret.

Igitur S. Nilo ad celeberrimum Monasterium Cassinense divertenti tota Congregatio usque ad radices montis, Presbyteri & Diaconi Sacras vestes tanquam in solempni festo induti, cereos & thuribula portantes, obviam processerunt. Ille eorum tam corporis quam animæ morbos omnes abstulit, atque hujus Domus pulcherrimum ordinem & Disciplinam admiratus, eam Græcorum instituto excellentiorem esse affirmavit. Tum Aligernus Abbas & monachorum præcipui Hospitem ad destinatum ipsi monasterium deducunt, nempe in Valle lucis, ubi quindecim annis fuit. Rogatus

Sæculum X.  
A. C. 983.

p. 123.

Sæculum X. tus ab Abbate & Monachis, ut cum to-  
 A. C. 983. ta sua Congregatione ad majus Mona-  
 sterium veniret, & officium Græca Lin-  
 gua celebraret, primum humilitatis cau-  
 sa renuit, deinde vero venturum se pro-  
 misit. Quare Hymno in laudem S. Be-  
 nedicti, qui omnia ab eo patrata mira-  
 cula complectebatur, composito, cum  
 tota sua Congregatione Monachorum  
 plusquam sexaginta ad montem Cassi-  
 num ascendit, ibique Vigiliis cantu har-  
 monico celebravit; complures enim e  
 suis legere & elegantissime canere do-  
 cuerat.

p. 131.

Officio completo monachi omnes la-  
 tini, eorum Abbate licentiam dante, ad  
 Nilum confluunt, & varias quæstiones  
 de vita monachorum, aut de variis S. Scri-  
 pturæ locis proponunt, ad quas ille ser-  
 mone latino respondit. Cuidam qua-  
 renti in hunc modum: *Si semel in anno  
 carnes comedam, ut gulæ indulgeam, quid  
 hoc noceat? S. Nilus reposuit: Si toto  
 anno valeas, & semel tantum ita cadas,  
 ut crus confringatur, quid hoc noceat?*

Rom. 14. 3.

Quærentibus, quid de jejuniis Sab-  
 batino sentiendum esset, dixit: *Is qui  
 manducat, non manducantem non sper-  
 nat, & qui non manducat, manducantem  
 non judicet. Si nos reprehenditis, quod  
 in Sabbato non jejunemus, cavete, ne  
 simul*

*simul Columnas Ecclesiæ, S. Athanasium, S. Basilium, S. Gregorium, S. Chryso-*  
*stomum & ipsa Concilia damnetis. Nos*  
*bene agimus, cum in Sabbato non jeju-*  
*namus, ut oppugnemus Manichæos, qui*  
*veteris Testamenti odio illa die carnem*  
*suam affligunt; a labore autem non ab-*  
*stinemus, ne in hac re Judæis pares simus.*  
*Vos quoque bene agitis, si in Sabbato je-*  
*junatis, ut mentes vestras ad sanctifican-*  
*dam Dominicam præparetis.*

Sæculum X.  
 A.C. 983.

Aligernus Abbas Cassinensis, Majel-  
 poti anno nongentesimo quadragesimo  
 nono Successor, annis triginta septem  
 Monasterium rexit, patria Neapolitanus,  
 quondam in monasterio S. Pauli prope  
 Romam sub Abbate Baldoino professus.  
 Is Cassinò restaurando intentus, quod a  
 tempore Abbatis Bertharii vix satis e  
 ruinis surrexerat, agros complures a vi-  
 cinis comitibus detentos Ecclesiæ vindi-  
 cavit. Unde ab adversariis contumeliis  
 affectus, a Landulpho autem Principe  
 Capuano defensus fuit. Ergo in terras  
 incultas colonos immisit, Ecclesiam, &  
 loca Disciplinæ regulari destinata repa-  
 ravit, ita ut ipsius ætate Monasterium  
 Cassinense quasi e cineribus splendidius  
 prodierit.

Act. SS. Be.  
 Sæc. V.  
 p. 631.

Supl. LIII.  
 S. 47.